

玉

海

十三

玉海卷第二十四

浚儀王應麟伯厚甫

地理

泉井

王井四星在參左東南四星曰軍井易以巽木入
乎坎水之下而上出其水故爲井曰木上有水井
君子以勞民勸相以君養民使民相養皆取井養
之義

神農九井社

漢郡國志南陽郡隨縣注盛弘之荊州記曰隨縣北

有厲鄉村重山有一穴相傳云神農所生又有周回
一頃二十畝地外有兩重塹中有九井神農旣育九
井自穿每汲一井則衆井水動卽以此地爲神農社
歲祠之水經注同史記索隱淮陽有神農井帝
王世紀神農起列山爲列山氏今隨厲鄉是也國
史志潞州長子縣有神農井

黃帝井 益井

易井卦釋文周書云黃帝穿井世本云化益作井宋
衷云伯益也堯臣淮南子本經訓伯益作井而龍
登元雲神棲崑崙能愈多德愈薄矣注伯益佐舜初

作井郭璞井賦曰釜作井龍登天

黃帝泉

史記正義阪泉今名黃帝泉在媯州懷戎縣東五十
六里出五里至涿鹿東北與涿水合晉太康地理志
云涿鹿城東一里有阪泉上有黃帝祠

堯井

論衡傳言伯益作井龍登元雲神棲崑崙神農教民
耕耨耕土以爲山鑿地以爲井堯時五十之民擊壤
於塗觀者曰大哉堯之德也擊壤者曰吾日出而作
日入而息鑿井而飲耕田而食堯何等力堯時已有

开矣 郡國志注堯井在汜水東十五里

舜井

郡國志濮州姚墟有二井是舜井也 水經灤水注
山上有舜祠山下有大穴謂之舜井抑亦茅山禹井
之比矣

舜甘泉

水經注中山記曰郭東有舜氏之甘泉有舜及二妃
祀

禹井

漢地理志山陰縣會稽山在南上有禹井

後志注郭璞云有禹井

周軍井

周禮挈壺氏以令軍井注鄭司農云爲軍穿井井成挈壺垂其上以表井

管仲井

左傳莊三十二年春城小穀爲管仲也注小穀齊邑濟北穀城縣城中有管仲井

漢浮沮井

武紀元鼎六年秋遣浮沮將軍公孫賀出九原注臣瓚曰浮沮井名在匈奴中去九原二千里見漢輿地圖匈奴傳漢已滅兩越遣故太僕公孫賀將萬五

千騎出九原二千餘里至浮沮井不見匈奴一人而還

漢溫泉 唐溫湯 溫泉銘 浪井

漢武故事驪山湯初始皇砌石起宇武帝加修飾焉
張衡溫泉賦余適驪山觀溫泉浴神井溫泉汨焉
以流穢兮蠲除苛慝服中正兮 張衡東京賦溫液
湯泉薛綜注在河南梁縣界 左思魏都賦溫泉志
涌而自浪華清蕩邪而難老注溫水在廣平都易縣
潘岳西征賦南有湯井溫谷注雍州圖曰溫湯在
新豐溫泉在藍田縣界 王廙洛都賦雞頭溫水魯

陽神泉 周庾信溫湯碑序其色變者流爲五雲之
漿其味美者結爲三危之露豈獨醴泉清疾聞於漢
武之朝神水蠲痼在乎咸康之世 周王褒溫湯銘
挺此溫谷驪丘之陰白磬上徹丹沙下沉華清駐老
飛流瑩心

唐貞觀四年二月己亥幸溫湯二十二年正月戊戌
幸癸卯御製溫湯碑示羣臣 開元十六年三月京
兆三原浪井出十九年六月癸未有浪井出于邛州
龍興觀之平地五色彪炳二十三年五月丁卯蘭州
有浪井出及醴泉湧 金石錄溫泉銘唐太宗御製

并行書 張說有溫泉箴 文選雪賦注盛弘之荊
州記曰南陽郡城北有紫山東有一水冬夏常溫因
名湯谷水經注曰曲阿季子廟前井及潭常沸名曰
沸井沸潭 宋志浪井不鑿自成王者清靜則應

漢鹽井 火井

貨殖傳蜀多鹽井羅裒以鹽井富 左思蜀都賦火

井沈熒於幽泉高燭飛煽於天垂

蜀郡有火井在臨邛縣西南鹽井也

家有鹽泉之井

臨邛漢安皆有鹽井充國縣有鹽井數十揚雄蜀都賦西有鹽泉鐵冶

郊祀志宣帝祠火井於鴻門注地理志西河鴻門

縣有火井祠

火從地出

初學記載異說臨邛有火井漢

室之盛則赫熾桓靈際浸微諸葛孔明一窺而更盛

漢金泉

地理志酒泉郡注師古曰舊俗傳云城下有金泉味

如酒

應劭漢官儀曰酒泉城下有金泉味如酒

漢鞠水 龍泉

地理志弘農郡析縣黃水出黃谷鞠水出析谷俱東
至酈入湍水師古曰卽今所謂菊潭也 南海郡龍
川縣注師古曰裴氏廣州記云有龍穿地而出卽穴
流泉因以爲號 國史鄧州南陽有菊水

賈誼井

水經注湘州賈誼宅地中有一井是誼所鑿極小而深

漢疏勒城井 貳師泉

耿恭傳永平十七年冬騎都尉劉張出擊車師請恭爲司馬舉奉車都尉竇固及從弟駙馬都尉秉破降之始置西域都護戊己校尉乃以恭爲戊己校尉後王部金蒲城謁者關寵爲戊己校尉屯前王柳中屯客置數百人明年三月單于遣左鹿蠡王二萬騎擊車師遂破殺後王安得而收金蒲城後解去恭以疏勒旁有澗水五月乃引兵據之七月匈奴復來攻恭

恭慕先登數千人直馳胡騎散走匈奴遂於城下擁
絕澗水恭於城中穿井十五丈不得水吏士渴乏至
竿馬糞汁而飲之恭仰歎曰昔貳師將軍拔佩刀刺
水飛泉湧出今漢德神明豈有窮哉乃整衣服向井
再拜爲吏士禱有頃水泉湧出衆皆稱萬歲乃令吏
士揚水以示虜虜出不意以爲神明遂引去 唐李
嗣業傳爲疏勒鎮使漢耿恭故井久涸禱已泉復出
識者以爲至誠所感

魏墨井

左思魏都賦墨井鹽池元滋素液注鄴西高陵西伯

陽城西有石墨井井深八丈

唐冰井

百官志司農屬官上林令掌苑園池季冬藏冰千
段先立春三日納之冰井以黑牡秬黍祭司寒啟冰
亦如之 會要貞元元年十二月九日敕立春日內
外兩井納冰二千五百段每段長三尺厚一尺五寸
合府縣澄潔供進 西晉庾綏有冰井賦

唐亳州九井

五行志開元二十九年亳州老子祠九井涸復湧

劉義

慶幽明錄曰襄邑縣南
賴鄉老子廟中有九井

開元二十九年正月亳州

刺史鄭愿奏混元廟中之井涌氣成雲五色相映三
月己丑亳州奏老君廟九井先涸自奉詔增修觀宇
九泉皆涌枯木復榮括地志苦縣在亳州谷陽縣
界有老子宅及廟廟中有九井尙存在今真源縣
漢郡國志陳國苦有賴鄉注伏滔北征記曰有老子
廟廟中有九井水相通古史考曰有曲仁里老子里
也

唐安寧鹽井

南詔傳安寧城有五鹽井元宗詔特進何履光以兵
定南詔取安寧城及井復立馬援銅柱乃還

唐醴泉

地理志涼州天寶縣本番禾天寶三載以山出醴泉

更名

三月丙子武成郡
言見祥瑞類

貞觀六年醴泉出丹霄殿西七年二月出絳州香溪
十一年九月醴泉出

唐甘井

毛公井

韓公井

地理志滄州青池有甘井開元二十年令毛某母老
苦水鹹無以養縣舍穿地泉湧而甘民謂之毛公井
韓朝宗傳開元二十二年初置十道採訪使朝宗
以襄州刺史兼山南東道襄州南楚故城有昭王井

傳言汲者死人雖喝因不敢視朝宗移書諭神自是
飲者亡恙人號韓公井 宋祁作韓公井賦 裴識
傳帥靈武地斥鹵無井識誓神而鑿之果得泉

唐甘泉 鷓鴣泉

地理志澤州高平有甘水一曰丹水貞元元年令明
濟引入城號甘泉有省冤谷本殺谷元宗幸潞州過
之更名豐州西受降城北三百里有鷓鴣泉

唐應聖泉

楊朝晟傳貞元九年爲邠寧節度十三年春請城方
渠合道木波以遏吐蕃路詔問須兵幾何報部兵可

王
海
卷
二
十
四
辦帝問前日城五原興師七萬今何易邪對曰鹽州之役虜先知之今薄戎而城虜料王師不十萬勢難輕入若發部兵三日至塞下未三旬畢城積芻聚糧留卒守之寇至不能拔策野翦夷虜旦夕走屯方萬全策也帝納其策師次方渠水乏有青蛇降險下走視其跡水從而流朝晨築防環之遂爲停淵士飲仰足圖其事以聞詔置祠命泉曰應聖已城三月成吐蕃悉衆至度不能害乃引去開地三百里

唐六井

白居易傳長慶二年爲杭州刺史始築隄捍錢塘湖